



UNIVERSITÄTS-  
BIBLIOTHEK  
PADERBORN

**Pauli Laymanni e Societate Iesu Jus Canonicum  
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

**Laymann, Paul**

**Dilingae, 1698**

Capitulum XI. Cùm Clerici.

---

[urn:nbn:de:hbz:466:1-62482](https://nbn-resolving.org/urn:nbn:de:hbz:466:1-62482)

non intervenerit, & alia solemnitates ad alienationem jurium Ecclesiae requisitae; neque enim simplices Clerici Ecclesias suas, quibus praesunt, propria auctoritate constituere possunt censuales, aut servitutem in eis constituere.

## SUMMARIUM.

*Prohibentur census imponendi Ecclesijs, vel personis Ecclesiasticis, ultra vitam constituentis, duraturi.*

**N**otandum. Prohiberi potissimum in hoc cap. census ultra vitam constituentis duraturos, quia manifestè cedunt in praedictum Ecclesiae, & Successorum. Et quamvis putent aliqui, à contrario sensu ex hoc cap. bene inferri, quòd cum consensu Episcopi, ex causa legitima, & alijs intervenientibus solemnitatibus, ad alienationem jurium Ecclesiasticorum requisitis, possint tales census, etiam post mortem constituentis duraturi, constitui; rectius tamen alij asserunt, quòd sine consensu summi Pontificis hoc fieri non possit; praesertim ubi est recepta *Exiravag. ambitiosa de rebus Ecclesiae non alien.* quòd prohibentur locationes, & obligationes, bonorum Ecclesiasticorum ultra triennium; juxta quam nec personalis, & temporalis obligatio ultra triennium Ecclesiae imponi poterit.

## CAPITULUM IX.

## Ecclesijs.

## PARAPHRASIS.

Ut Ecclesijs, quas de novo Episcopi de manibus Laicorum eripiunt, nulli novi census imponantur, sed contenti sint juribus Episcopalibus Episcopi, prout in cap. *conquerente 16. de off. ord.* habetur, prohibet, & praecipit Pontifex.

## SUMMARIUM.

*Non potest Episcopus novum censum im-*

*ponere Ecclesijs, quas de manibus Laicorum liberat.*

**N**otandum. Procedere textum hunc, quocumque modo Episcopus Ecclesiam aliquam de manibus Laicorum liberet; sive injustè eam vi detinuerint; sive censum, qui Laicis solvebatur, sustulerit; sive à jure Patronatus Ecclesiam liberaverit: cum enim Episcopus ex officio suo, ut advertit Abbas, ad taliter liberandam Ecclesiam teneatur, nullum illi propterea ex rigore juris praemium debetur, & nulla recompensatio, sed contentus esse debet, ob rem bene gestam, juribus Episcopalibus ordinarijs, in relato cap. *conquerente* enumeratis, cum in tali casu praecise egerit, ad quod ex officio tenebatur.

## CAPITULUM X.

## Innovamus.

## PARAPHRASIS.

Statuitur in hoc cap. quoniam saeculares Principes, vel Magistratus, novas collectas, contributiones, & vectigalia, si justam habeant causam, imponere possunt (de quibus contulit Juris publici Doctores) ita tamen, ut in illos, qui sine justa causa, & legitima auctoritate talia imponunt, poena Canonica Excommunicationis decernatur.

## CAPITULUM XI.

## Cum Clerici.

## PARAPHRASIS.

Colludebant quidam Clerici per occultam & dolosam actionem (ut advertit *Glossa hic V. collusionem*) cum Religiosis quibusdam, citra auctoritatem Episcopi, ut post mortem illorum, filij eorum, & nepotes ad Ecclesias vacuas praesentarentur, & in vicem talis praesentationis, cetera eis pensiones ex Ecclesiarum proventibus in perpetuum solverentur:

Rrr 3 hanc



hanc proinde collusionem improbat Pontifex in hoc cap. & eos, qui inventi fuerint talia fecisse, ab Ecclesijs removendos statuit, officio & beneficio privandos, ob commissam Simoniam, appellatione remotâ.

## SUMMARIUM.

*Qui censum patiscitur, ut vel ipse, vel sui ad vacuas Ecclesias presententur, Simoniam committit.*

**N**otandum. Neque autoritate Episcopi interveniente, pactum hoc simoniacum fieri posse: quamvis enim tam facile non præsumatur dolosa hæc & simoniaca pactio, si Episcopi autoritas intervenerit; quod si tamen contrarium aut probetur, aut prudenter conijciatur ex varijs circumstantijs, non tantum nulla erunt, quæ facta fuerunt, juxta cap. 8. sed etiam pœna collusionis non evitabitur.

## CAPITULUM XII.

Ea quæ.

## PARAPHRASIS.

Quod illi, qui pecuniam, quam collegerant per Regnum Angliæ, tanquam tributum Romanæ Sedi debitum, cui regnum hoc ex pietate suorum Regum tributarium fuisse perhibetur, Romam detulerunt ad limina Apostolorum, occasione hujus itineris Ecclesias & Parochias sibi subditas immoderatis procurationibus, & exactionibus vexaverint, rescivit Alexander Pontifex III. & Cantuariensis Archiepiscopo rescribens, prohibuit has exactiones, sub pœna amittendæ indulgentiæ talibus Collectoribus concessæ; aut, ut volunt aliqui, sub pœna amittendi beneficij sui, aut, ut melius putant alij, sub pœna amittendi officij seu muneris Collectoris.

## SUMMARIUM.

*Pœna in illos Collectores statuta, qui novas imponunt exactiones.*

**N**otandum. Quod sub specie tributorum non debeant illicitæ exactiones fieri: *Glossa hic. V. gravatis;* & meretur privilegium amittere, qui permilla sibi ab utitur potestate cap. privilegium 63. cap. 11. q. 3. ne dum quærunt aliena, ut ait *Glossa finalis hic,* amittant sua, Et quantum hujus cap. hodie non fit in Anglia usus, si tamen extenso fiat generaliter ad omnes Collectores, pœna statuta usum habere potest.

## CAPITULUM XIII.

Significavit.

## PARAPHRASIS.

**A**d Regimen alicujus Ecclesiæ presentatum Monachi quidam Clericum quendam, juramento eum obstringentes de solvendo eisdem annuo censu, quem antecessor solverat: prohibuit Episcopus Diocesis solutionem hanc, nisi prius confiterit, Episcopali autoritate impositum esse: Papa tamen Lucius III. ad quem res hæc delata fuit, delegato suo mandavit, ut si confiteri auctoritate Episcopi, & non de novo censum constitutum fuisse, prohibicionem relaxare, Episcopum faceret: si vero de novo census hic sit impositus, sive auctoritas Episcopi intervenerit, sive non, si ne juxta tamen causa, & alijs requisitis ad alienationem pertinentibus, Monachos compellat, appellatione remotâ, ut juramentum dicto Clerico remittant. Videatur de hujus Juris longiore explanatione c. 3. & 7. h. t. & quæ dicuntur ad cap. 27. de jurejurando.

